



Han gudagnà la concorrenza dals chantuns, 50 m pistola: Guido Zellweger, Peter Strebel, Elmar Fallet ed Andreas Davatz (da san.).



Tratg ferm tar la Festa da tir federala en il Vallais ha er Riccardo Giovanoli.

Tranter ils meglers da l'entira Svizra

Festa da tir federala 2015

DA GION NUTEGN STGIER / ANR

■ **La Festa da tir federala 2015 en il Vallais è gia istorgia. Da la partida en stads 37'000 tiradurs e tiraduras. Tar quella occurrenza naziunala han er ils tiradurs grischuns procurà per resultats excellents. En la concorrenza dals chantuns han els fatg duas medaglias, dentant er tar las occurrenzas singualas han els persvas.** Dumengia è ida a fin la Festa da tir federala a Visp ed a Raron. Durant in mais en sa participads a quella occurrenza naziunala 37'000 tiradurs e tiraduras. Tranter quels figuravan er 1'308 tiradurs e tiraduras da noss chantun. Gi success han noss matscheurs cunzunt en la concorrenza dals chantuns, la concorrenza da las concurrenzas tar ina Festa da tir federala. Cun avair lieu quella be mintga tschintg onns sveglia la concorrenza dals chantuns adina il pli grond interess. En tut las diversas categorias cumbattan ils teams dals chantuns per puncts ed onur.

Aur per il team da pistolas

Il pli grond success tar quella Festa da tir federala en il Vallais ha gi il team da pistola che ha tratg sin la distanza da 50 m en la concorrenza dals chantuns. Ils trais tiradurs **Elmar Fallet, Peter Strebel e Guido Zellweger** han gudagnà la concorrenza dals chantuns cun in total da 1'657 puncts avant ils tiradurs dal chantun Berna e dal chantun Soloturn. Elmar Fallet, da Müstair, da preschent il meglie tiradur grischun sin la distanza curta, è lura er anc stà en il final per eruir il retg da festa sin la distanza da 50 m cun pistola. Suentar ils tirs da qualifcaziun era el anc schizunt a la testa da la rangaziun ed en il final lura cuntanschè dals otg finalists il 5avel plaz. Tratg

il final cun l'arma da sport (caliber pitschen) ha lura er **Lars Färber** da Favugn e terminà quel sin il 5avel rang. Turnada a chasa cun ina medaglia da bronz è er la gruppa che ha tratg la concorrenza dals chantuns en la categoria in venter e quai cun l'arma da sport (standard) sin 300 m. Ils tiradurs grischuns han obtegnì il terz post davos il team dad Appenzell ed ils trais participants dal chantun Sviz che han gudagnà la concorrenza.

Victoria per Georg Anton Buchli da Versomi

Er en ils singuls dals numerus stetgs han noss tiradurs e nossas tiraduras fatg resultats da vaglia. Uschia gudogna per exempel **Georg Anton Buchli** da Versomi il stetg da militar cun 387 puncts ed in punct daplì che **Roger Scheuber** da Raperswilen. Remartgabel è bain ch'il victur grischun ha tratg la concorrenza cun il carabiner e tutina stà il meglie dals 8'306 tiradurs che han sajettà quel stetg. Success ha lura er gi **Flavia Cramer** da San Murezzan en il stetg principal, quel dal cranz, cun l'arma da militar cun ina participaziun da stgars 12'000 triadurs e tiraduras. La dunna engiadinaisa è vegnida segunda cun il resultat maximal da 60 puncts. Ella ha betg gudagnà la concorrenza be cun esser pli giuvna ch'il victur **Gerhard Keselli** da Dallenwil. Il resultat da Flavia Cramer è da giuditgar sco sensaziun, han mo be anc quatter participants tratg il maximum da 60 puncts.

Urs Brazzerol e Riccardo Giovanoli

Manchentà be per trais puncts il terz post tar la maestranza en venter cun l'arma da standard (60 culps sin la schiba da diesch) ha **Urs Brazzerol** da Farrera. El ha fatg 584

puncts e cun quel resultat fatg be 16 puncts pli pauc ch'il maximum da 600 puncts. Quella prestaziun è fitg buna cun resguardar ch'il tiradur da la Val Alvra ha sajettà ses program cun temperatururas bunamain tropicas. Stgars 700 tiradurs han tratg la maestranza cun l'arma da standard. In post excellent ha er fatg en il Vallais en il stetg 13 stailas (en onur da la vopna vallesana) **Riccardo Giovanoli** da Beiva. Da total 2'473 participants cuntanscha el il 6avel post cun far 129 puncts e be in punct damain ch'il resultat maximal da 130 puncts.

Schizunt quatter Grischuns en ils top diesch

Bunamain sensaziunala è lura la prestaziun dals tiradurs da noss chantun en il stetg Raron en la categoria A, quella cun il schluppet da standard e l'arma da sport. Gist a quatter tiradurs da noss chantun è reussi ina vaira minada, uschia che tuts quatter en rangads en ils top diesch. **Jakob Waser** dad Andeer ha cuntanschi il 2. post cun far il maximum da 60 puncts. Terz è lura vegnì **Florian Felix** da Cuir, er cun 60 puncts e 4. medemamain cun 60 puncts è vegnì **Toni Caduff** da Vattiz. **Mario Feuerstein** da Zuoz cumplettescha igl quartet grischun cun cuntanscher il 7avel post e quai er cun il resultat maximal da 60 puncts. Dals 2'405 participants han gist 34 fatg il maximum da 60 puncts. Quai è be ina resumaziun dals top resultats ord vista grischuna, natiralmain che er anc auters tiradurs ed autras tiraduras da noss chantun figureschan tranter ils meglers 20 en ils divers stetgs.

Ils resultats cumplets en da chattar sin: www.esf2015.ch rubrica resultats.



En cuntents cun las prestaziuns dals tiradurs e da las tiraduras grischunas tar la Festa da tir federala 2015: **Bernhard Lampert**, vicepresidente dal BSV e **Walter Burkard**, president ad interim dals tiradurs da noss chantun (da san.).

FOTOS G. N. STGIER/MAD



La Festa da tir federala 2015 en il Vallais è ida a fin dumengia passada.



Il team grischun che ha fatg la medaglia da bronz cun l'arma da standard: (davos da san.) **Meinrad Monsch, Christian Felix**; (davant da san.) **Urs Brazzerol e Beat Waser**, schef da la gruppa.



Pon far ina bilantscha positiva da la Festa da tir federala: **Hubert Tomaschett** (schef sport da prestaziun) ed **Anna Marugg** (scheffa pistola).